

Ulama tolak ICERD

SINOV BARUAN 15/11/2019 M/S 02

Tiada keperluan bagi kerajaan meratifikasikan perjanjian tersebut

NURUL RIDUAN
NOR ASHAHA

SHAH ALAM

Persatuan Ulama Malaysia (PUM) menolak sepenuhnya cadangan meratifikasikan Konvensyen Antarabangsa Mengenai Penghapusan Semua Bentuk Diskriminasi Kaum (ICERD).

Yang Dipertua PUM, Datuk Al Syeikh Abdul Halim Abd Kadir berkata, tiada keperluan bagi kerajaan meratifikasi ICERD yang dilihat

bertentangan dengan Perlembagaan Persekutuan, adat budaya dan kerukunan hidup masyarakat negara ini.

Malah katanya, ratifikasi itu mampu memberi kesan kepada Perkara 153 Perlembagaan Persekutuan yang menyentuh berkaitan Kedu-dukan Istimewa Orang Melayu dan Bumiputera di Sabah dan Sarawak.

"PUM juga menggesa semua pihak termasuk pimpinan kerajaan supaya memahami dan mengiktiraf hak asasi sebenar yang menjadi keperluan dalam kehidupan masyarakat berbilang kaum di negara ini.

"Apatah lagi hak dan keperluan tersebut telahpun ada dan disepakati sejak merdeka dengan wujudnya kontrak sosial antara kaum," katanya, semalam.

Katanya, Perlembagaan



ABDUL HALIM

Persekutuan mencukupi dalam mengiktiraf hak kesamarataan melalui Perkara 8 bagi mengelakkan berlakunya diskriminasi dan ketidakadilan, sama ada dalam konteks agama, bangsa, keturunan, tempat lahir dan jantina, adalah terjamin dan menepati keperluan semasa masyarakat di negara ini.

Jadi katanya, Malaysia ti-

dak memerlukan campuran kuasa asing dalam menjamin keadilan dan kestabilan negara.

"Bahkan cukup untuk kita mengangkat Perlembagaan Persekutuan sebagai tunjang kepada perpaduan dan asas pembangunan kaum dan negara Malaysia.

"Apatah lagi jika diteliti, pencabulan dan pelanggaran hak asasi dan diskriminasi di negara kecil, terutama di negara-negara umat Islam tertentu, oleh kuasa besar lebih meluas tanpa sebarang tekanan," katanya.

Dalam pada itu, PUM juga mengalu-alukan sebarang kerjasama daripada semua pihak, dalam usaha memartabatkan agama dan bangsa serta mengeratkan hubungan antara kaum selaras dengan peruntukan Perlembagaan Persekutuan.